

Newtbec

NEW WAY OF BEING CHURCH

Hari Minggu Biasa ke-19

HARAPAN: PERCAYA, HIDUP DAN MEMBERI

PETIKAN TULISAN
SUCI UNTUK
DIHAFAL:

"Akulah roti
hidup yang
telah turun
dari surga"

(Yohanes 6: 51)

Tidak lama kemudian, Elia harus melarikan diri kerana takut Jezebel akan membunuhnya. Kemudian, dia meminta Allah untuk mengambil nyawanya. Mengapa dia melakukan ini? Dia bosan berlari dan mungkin merasa tertekan. Namun, melalui semua itu, Allah menjaganya. Allah mengutus seorang malaikat untuk menyediakan makanan dan air kepada Elia sebagai bekal, mempersiapkannya untuk tahap misinya yang seterusnya, iaitu perjalanannya ke Gunung Horeb.

Dalam suratnya kepada umat di Efesus, Paulus mengingatkan mereka bahawa Roh Kudus **Roh Allah tinggal di dalam kita dan kita tidak seharusnya mendukakan Roh Kudus Allah.** Roh Kudus datang kepada kita sebagai Penolong agar kita dapat mencerminkan kasih Bapa kepada orang lain. Dengan Roh Kudus di dalam diri kita, kita tidak boleh berkelakuan dengan cara yang tidak setimpal sebagai anak Allah. Sebaliknya, kita dipanggil untuk menjadi dan hidup "sebagai persembahan dan korban yang harum bagi Allah", yang berkenan bagiNya dan bagi orang-orang di sekeliling kita.

Petikan dalam Injil Yohanes menjelaskan bahawa orang Yahudi tidak senang ketika Yesus berkata "Akulah roti yang telah turun dari surga". Tetapi hari ini, melalui Roh, kita percaya dan mengambil Roti Kehidupan ini dalam Ekaristi Suci sebagai makanan untuk minda, tubuh dan jiwa kita. Mereka yang datang dan percaya kepada Yesus akan hidup dan tidak akan binasa. Makanan yang diterima nabi Elia, menguatkannya selama perjalanannya ke Gunung Horeb. Tetapi makanan rohani yang diberikan oleh Anak Manusia akan memberi kita makanan untuk selama-lamanya. Hanya Yesus yang dapat memberi kita Roti Hidup yang Kekal.

Marilah kita percaya Allah yang sama yang memelihara Elia, akan memberi kita bekal untuk perjalanan hidup kita. ✦

AYAT SUCI
MINGGU INI

1 Raja-raja 19:4-8;

Maz. 33: 2-9;

Efesus 4: 30-5:2;

Yohanes 6:41-51.

TEMA BULANAN:
MARIA, BONDA PENGHARAPAN



HANYA YESUS DAPAT BERI KITA *Roti Kehidupan*

Di Gunung Karmel nabi Elia menunjukkan bahawa satu-satunya Tuhan adalah Allah. Kekuasaan Allah yang bekerja melalui Elia mengalahkan 450 nabi-nabi Baal. Dalam menghadapi kesulitan besar, Elia berdiri teguh hanya dengan kepercayaannya pada janji-janji Allah, dan dengan taat kepada apa yang Tuhan minta kepadanya. Namun, walaupun terdapat pameran yang luar biasa mengenai realiti kuasa Allah di Gunung Karmel, umat Allah akan segera melupakannya dan kembali kepada cara jahat mereka yang dulu.